

兩

浙

輶

軒

錄

兩浙輶軒錄卷四目

郭濬 陳振麟 万象璜 趙昕 陳確

吳源達 褚越 褚標 李麟友 李可願

魏允枏 蔣玉章 錢鴻 卞爾翼 張鸞

周容 謝爲霖 范洪震 馮愷琦 馮愷愈

周志寧 周西 薛士學 謝熾昌 何國仁

葉雷生 向璿 朱用調 史在朋 俞鼎

盧懋殿 金光 林必登 卓禹 吳川

查詩繼 何元英 湯霽 陳源世 田徹

徐鯤 楊廷棟 吳太沖 高思謙 鄒鼎

蔣作楫 虞相堯 汪挺 夏駟 袁祿

沈章 沈文輝 孫一驪 金嗣孫 高道素

吳謙牧 徐仲選 姚世靖 于琳 戈中顏

朱萬錡 沈廣輿 沈調元 鄭興田 沈士穎

張兆林 水寶璐 孫文祖 洪崑 朱禹錫

馬允璜 王雅禮 朱玉貞 施楨 潘汝度

季廷樑 諸葛麒 盧光恢 張俊 楊兆岳

詹堯廣 吳經國 金鏡 范奇英 王錫

樓啓瞻 范兆芝 陳獻球 劉純熙 全大鏞

沈光杰 鄔泰 戴浚 倪會鼎 陳翰邦

林健 黃厥昌 鄭文標 屠國植 趙君宋

吳山清 胡兆龍 胡昇猷 丁澎 張壇

王著 魏少野 姚延啓 唐啓堯 詹惟聖

施洪烈 丁克揚 周之麟 樓洵攻 趙吉士

畢

兩浙輶軒錄卷四

督學使者阮元訂

郭

璿字彥深海寧人順治壬辰進士官行人著虹映堂集

香山寺

古寺能藏勝攀林殿始開花光凭檻合山色捲簾來遠水浮

燕樹春雲落薊臺青天挂松瀑彷彿玉龍迴

陳振麟

字雲趾永嘉人光前子順治丁酉舉人官孟津知縣

中秋後三日嶽嶺和尚招集江心寺觀濤并爲放魚之

約卽席分韻

方外高名屬道安翩翩錫杖下雲端一時社共淵明結八月  
濤同枚叔觀雨色乍開山寺曉風聲遙送海門寒銜鉤魚向  
中流去疑有明珠出碧湍

方象璜

字雪岷進安人順治己亥進士初授荊州府推官改合肥知縣康熙己未舉博學鴻辭

嚴州府志方象璜知合肥有惠政甫下車卽宿包孝肅祠矢以詩云誓將黽勉請節是恩倘不恤民有如此水其後舉鴻博以

後期不及與試

### 語石堂

羣山皆培塿茲石踞其頂烟嵐生衣袂俯拾日月景石勢撐鐵雲卓立抑何猛天語下虛空祕密堪獨領況值禪定餘孤磬發深省

趙

昕

字確容號雪嶽餘杭人順治辛丑進士官嘉定知縣

顧文彬曰趙昕工詩有集因山水暴發漂失無存

### 擬蘭亭詩

八公吟小山七子鴈南皮眷言同心友期我桃花時乍聞鴈鵙鳴瑤草忽已滋以茲感春風歲歲朱顏移緩帶勸旨酒仲翰徵妙詞白雲有卷舒流水無還期今我不爲樂後來良共

嗤越王遺堅城他人今晏居

山居

獨有雲藏塢還看澗出花炊煙起深竹知是野人家

陳

確原名道永字非元更今名字乾初海寧人

靜志居詩話先生說經鏗鏗詩不求工然亦流暢

俞賓華曰陳確篤明未諸生與祝淵同游劉宗周之門乙酉後靜修山中幾二十年

憶自崇禎丙子春有四遊西溪詩已二十三年矣今年

由雲門歸同吳仲木復尋舊遊慨然而作

秦望歸來興尙賒幅巾筇杖入山窪迷離不記前遊路寂寞還開古寺花春水橋邊雲萬樹晚風亭外月千家可憐潦倒吳公子頻道西溪勝若耶

東董子

兩浙輶軒錄卷四

春風亭子雨迷離旅思紛紛憶舊知別去好山遊幾處倦歸  
蕭寺記何時期君南閣尊前話看我西湖隄上詩莫謂兩人  
容易見滿頭白髮已如絲

吳源達

字辛幼又名源姑字瞻今嘉興人源達弟著半鄉人詩城西集

梅李詩繫辛幼性耽吟咏不事生產竟以窮死

梅里詩軒半鄉詩太輕爽句如來尋春草臨溪屋歸喚桃花隔岸船風致可愛吳歌百首盡取俗謠為題耳目一新駢體文亦流麗

贈江撫宋牧仲先生

刻漏聲從鈴閣聞盡旗不動日初曛春衣莫笑山人陋會到  
匡廬惹白雲

舟次半邏寄錢子相

百里秦溪水孤帆半邏村竹青捎屋角沙白露灘痕山色看

秦駐潮聲聽海門何時還  
翫燭風雨話黃昏

訪周營谷

水源窮處一橋通茅屋頽然著老翁  
射鴨灘頭蘆筍碧釣魚磯下藕花紅  
新裘詩卷襄陽派短挽衣裳杜老風  
笑問榆錢堆狹路可能換酒抵青銅

褚

越字今遠嘉興人弟

春懷

青陽晦白日嘉木生重陰天桃始含華  
倉庚發其音時物一以變流邁方自今  
緬懷曠百世慷慨資以深拂衣步庭除  
太息復高吟萬感從中來棲遲安可任  
晦明固有時窮約懷苦心

褚

標字霞建嘉興人



兩浙輶軒錄卷四

吳湖遠初趙緒

三

梅里詩輯霞建詩如露下芙蓉極饒風韻管谷稱其年少氣盛抽思奮藻光彩奪目甫逾壯歲鬱鬱患心痛死故叙其詩以負才不展沈吟永歎寓不平之悲為可哀以天折為尤痛而欲輟遺詩以傳之今所輯之本不知沈淪何所管谷有知其為痛更何如也

古別離

盛年不可再別離安可忘思君曾幾日蕙草揚芬芳悠悠卽前路北上遵太行山川何阻修君馬元以黃念妾桃李姿猶儺當春陽采采方及時無令棄道傍

李麟友

字振公又字于菀嘉興人著醒齋吟草

梅里詩輯于菀為前明學博白明子自明精難揚州干苑孤忠遺體高隱名流詩篇恣肆激昂不落凡近

沈子以匹練見遺賦謝

梅溪李生長衣褐冬亦不加夏不脫已經寒暑六七年襟領不完襟縫豁沈郎好我情不疎贈我匹練五丈餘製以為衣

見賓客舉止覺與常時殊鄉人重衣不重德談笑從今壯顏色

李可願

字祗寄又字子驥嘉興人麟友從弟著竹坪藥

梅里詩輯竹坪為前明學博自明姪苞谿之秀詩筆俊爽如食袁家梨

題剩舫

真有浮家想蓬窗愛枕河伊人在漂渺數武卽煙波席對鷗朋設門通魚婢過竹竿正堪把歸隱意如何

魏允枏

字交讓嘉善人著維風集

構李詩繫允枏為前明忠節公大中孫孝子學海之  
子當孝子卒時妻嚴氏年二十七截髮自誓允枏孝義  
倍至崇禎時承恩廕甲申後不出柳洲詩學之盛均奉  
枏為主盟陳增新云體合雅騷義兼正變吾邑近來風  
氣日上實開其先李焯亦云天鷄始鳴曜靈  
啟途人倫之弁冕風雅之先驅其推重如此

宿華山寒法師禪房

西折舊手錄

卷四

李麟友李可願魏允枏

偶爾看山色攜筇到上方  
崔從珠樹出龍向鉢花藏  
夜壑流清磬春雲護石牀  
遠公棲隱處日夕坐相忘

吳仲圭墓下

咸淳之末宋事非諸陵毀  
塢魂無依玉匣珠襦啟幽  
寢古人白骨將安歸橡林處  
士有遺墓自署沙門植梅樹  
虛塚不羨祁連山殘碑尙立  
青松路蹂躪曾無樵牧歌斧斤  
自遠匠石顧閱歷滄桑三百年  
慕君高節愛逃禪已傳繪事冠  
當代還將易數推先天胥塘東  
繞菖蒲浦丙舍荒涼屬誰主  
桃李春飛寒食煙梧桐秋落重  
陽雨君不見六陵鬼哭蔓草平  
此地猶存一抔土

蔣玉章

一名琰字象鴻號禹書嘉善人玉章弟

楊李詩繫禹書九歲以詩名意致絕不猶人兄玉立時稱二蔣風流冠絕一時而皆不過

鹿城道中懷歸元恭葉媚初

西鹿城邊傷客心  
新洋江畔搗衣砧  
陸機漫擬吳趨曲  
莊舄仍爲越下吟  
州入戍樓衙暮色  
雲生驛樹結秋陰  
懷人此際堪乘興  
不得追遊到竹林

錢

鴻

字羽可號若菴海鹽人著撫松居集

馮李詩藪若菴爲隄之子築室宋湖好行其德鄉人私謚貞毅

賁湖秋望

賁湖地癖宋邨名  
荻月蘆風秋自生  
蕭寺僅存方外想  
野航恰備畫中情  
繡衣墓頂松猶挺  
給諫塋前水獨清  
可但曾孫懷祖澤  
隱淪多尙話先生

卞爾翼

字我將號懷西歸安人順治辛丑歲貢生官桐廬訓導

秋樹

月片前下夜網  
卷四 賁湖章錢鴻士爾翼

繁葉惟宜夏秋來喜漸無涼颼衝戶起明月到庭孤歸鳥枝  
頭坐殘雲空外徂登樓一舒嘯蕭瑟見山瘳

錢公御選安吉簡寄郎麟公

問訊當時舊溝徙近來筋力似前無看花城外攜遊屐  
飲壚頭倒玉壺騎馬入林常自躍摘童濟勝不教扶高年嬰  
能如此麟閣功名尚可圖

張

賜

字章友一字補堂鄧人順治丁酉副貢  
生官紳本知縣著寶學堂正集別集

續者舊傳先生明末更名潛字又陶志將隱矣已而以  
母命出補諸生與周壽山為姻家而才大於壽山二人

坎輻

器等

岡地

岡地高苦晴達地早苦雨中地多有秋晴雨在州府里胥絡  
繹來膏腴盡蒿萊

熊路

熊路尺餘半牛角磨石虎云是趙王墓墮碑字莫數樹老昔  
青青小僞集春雨宮寢在錢塘視此一抔土待葬兩將軍惜  
哉無肺腑

題畫

山村初煖試春衣啼鳥催人入翠微展齒莫嫌風雨後落花  
深處帶香歸

周

容

字鄧山一字

寧波府志傳周容性野弛不羈御史戴殿臣一見賞契  
由是著名後殿臣避跡天童海寇掠之而去容卽倉皇  
奔走以全身質之殿臣得返而容代受刑梏足爲之跋乘  
間竊歸乃縱橫於詩古文詞尤工書法斂鋒鋒鋒於渾樸  
中時謂容之詩勝於文書勝於詩云  
袁鈞曰周容爲明諸生遊跡徧天下善書畫好飲懷諧  
傾座然負才使氣人以徐渭方之晚年歸適有非意之

兩浙瞻軒錄

卷四

分門別類

六

干復遊京師會衆詞科廷臣爭欲引  
薦力辭未幾卒所著多散佚不傳

雜感

烟末忽自起游雲相與迎  
纏綿似夙昔各能感性情  
促織愛蟬力慨然爲之鳴  
人生同此路無事傷畝傾  
大海知有波大田知有草  
按劍杯酒間相識嫌太早

虎印

入院憐花草春光此地偏  
千年王霸地三月女兒天  
茶社分亭幔歌臺聚酒船  
那能無醉隔岸已啼鵲

今歸

難聲催櫓急難到舊漁機  
月淡人呼渡霜濃犬出扉  
招魂思昨險拭眼悟今歸  
鄰叟牆頭問應先泪濕衣

送客

送客籬門巷轉西同看歸鷺數行齊鄰家欲盡江風大人影  
初長野日低得地藏身謀艸閣就春生計羨蔬畦躊躇未竟  
今朝話願約同牀聽曉雞

謝爲霖

字幸輔一字念夢  
鄰人著春草堂集

續者舊傳謝氏自丁亥及子而後胎禍鄉里幾不得豫  
衣冠之列矣念夢刻意求雪之於諸遺民虛已師友于  
是高丈隱學李丈果堂錢丈退山皆稍稍歎曰山公所  
謂天地尚有消息者也引而進之謝氏之得免排斥自  
念夢始

袁鈞曰謝爲霖爲子宜長子學  
詩于應泉古文亦有法早卒

歲暮呈同社和果堂先生韻

閱盡炎涼更坦然自憐精力不如前今宵小酌分殘歲明日  
相逢說去年牆角荒雞驚客夢牀頭飢鼠攪人眠先生曾次  
無他事只愛淵明飲酒篇



范洪震

字鶴百

袁鈞曰范洪震父億故孝子洪震酷類其父年十二失  
 母哀毀骨立事繼母如所生父得危疾刺血寫疏禱於  
 神乞以身代醫言曰氣已絕無生理不肯製方洪震涕  
 泗鳴咽祈不已醫惻然曰或瘵辛尚可為也洪震嘗之  
 則辛醫與藥毒愈由是讀古方書日候父脉理氣色遂  
 情其術求治者貧不受酬不賣藥直候父脈理氣色遂  
 拾遺金待其人還之凡拯人疾苦助人喪禮為粥食飲者  
 屈洪震病城鄉之人奔走祈禱問疾不絕於路及卒哭  
 之者數千人洪震與杜懋俊交懋俊死節慨然謂未葬  
 當於我葬無子我常屬于後之因出貲命其從子琦營  
 窆安買田使奉祭祀董劍鏐曰孝子自明其後頗  
 傷酒醉後嬉戲伴狂無所不為竟以此戕其身云

漁父

江上逢漁父  
浩歌鼓短枻  
朝山戴青山  
暮歸戴明月

泊北渡

渡頭寒月上  
獨酌待潮生  
遠听來人語  
空江落雁聲

馮愷琦

字竹相自梅漁  
山雅子謫歸人

袁鈞曰馮愷尚爲元颺子博雅善詩文更喜填詞豪士也

五岳河訪冷表舅作

路轉河橋見水村幾家紅樹歷頽垣荷葉一老跨牛背冒雨  
羣雞啄稻孫行指前山驚舊跡懷追往事屢重言燒燈喜其  
村中酒草屋風多早閉門

馮愷愈

字道濟一字榕堂慈谿人著涉江錄西江詠

袁鈞曰馮愷愈爲元颺子前明諸生以蔭授錦衣衛正千戶遭亂未仕

贈別方爾止

豐山西距蜀山東廿載賓朋聚散中賸我孤游尋舊壘把君  
好句弔秋風雨侵水榭更籌澀泪逐歌筵蠟燭紅斗酒更邀  
連日醉老年兄弟幾宵同

紅葉行

我行大江東復西自夏徂秋景物移輕霖引絲風拂面相葉  
正墮紅參差人憐霜林顏色好豈念此卽飄零時夜來浪浪  
雨聲急古塘野逕悲紛披昔日紅顏今白首以色媚人那得  
久

周志寧

字爾埃自號樗園逸叟  
奉化人著詩歌五集

袁鈞曰周志寧爲前明諸生以文行著稱崇禎時父立  
本爲上虞訓導志寧先機啟父謝事歸明亡後屏跡半  
畝園中奉父偕隱晚歲匱窮  
好吟咏饋粥不茹鹽歌白若

過北山寺

水響門前石嵐封階下苔寺貧僧不定春去客還來籬圻過  
頭筍林殘濺齒梅松風如有待延客入雲堆

春風詞

吹向芳園艸又生百花步障遞春聲年年綠到貧家樹始信

東風不世情

周

西字方人鎮海人著

續者舊傳先生之詩不輕與人唱和收流傳亦少吾鄉則鄧山泉堂其素心也證山嘗曰方人之詩下筆皆有

真氣可

謂知言

袁鈞曰周西居蒞江少喜讀書父母憐其體弱稍飾制

之則密藏火書室俟父母熟睡重舉燈以被蒙之久之

彼如黑明亡年才二十餘棄舉業奉母寓鄆之寶林學

者多從之遂順治十六年海師大掠郡東鄆西奉母逃

山中猝遇盜盜見西母豐碩以爲富家嫗用火薰之求

金西抱母大痛撲滅其火乞身代賊揮戈殺其右手斷

將指旁一卒曰孝子也得免既久寓寶林挈家依諸生

問出游多耿耿不合仍歸寶林西於易書詩禮春秋孟

子皆有圖解史漢皆有論說唐宋杜韓諸大家皆有

抄所稱勁草諸編者也晚年移寓入城卒于城中

山夜有懷老母

憂來不自已岸幘步中庭忽然見吾影仰天乃有星晴光遍

千里照我北堂屏老母應未臥弄孫引秋螢

絕炊

謀生計拙只孤眠依舊淒涼寄一瓊孺子長貧門有席范生  
窮絕竈無煙十年家計餘茅屋八口秋糧賴硯田鄰老持錢  
歸遠市相傳斗米價三千

薛士學

初名士瑛字五玉鎮海布衣著書巖集

詩文草創小傳先生丁巳貢於鄉博極羣書丹黃甲乙無不精確有破帽記自言夜食後伸紙濡筆屬草數十行忽烟煤數片亂零如蝶翅一仰喝而光已炎炎急呼兒子登樓則帽頂燕其一角蓋先生目睛短視俯首就書晝夜無

間如此

袁鈞曰薛士學爲前明兵部尙書三才從子博學工詩古文詞爲諸生有名已而棄去康熙十六年應貢不赴邑令唐鴻舉就見之使人謝曰某布衣不敢私辱明公如不獲辭則請於學宮可矣及期行相見禮外無一語及他事時

論高之

朱文藻曰先生爲前明諸生後棄去康熙十六年應貢不赴且有布衣不敢辱明公之語則詩文草創所云丁

已貢於鄉非其實矣  
今竟以布衣目之

### 春江花月夜

春歸不歸江水深花落不落煙沈沈  
烟波兩岸花生處客路  
瀟湘從此去瀟湘東望古揚州  
遊子家臨野渡頭有恨春花  
惜春暮無情江水自東流  
江水春深處處艫青樓金盡未還  
家深閨深處顏如玉自捲珠簾問  
落花春花無語落無聲  
皎皎雲開江月盈應爲良時惜離別  
碧天銀漢夜三更可憐天  
涯魂欲飛可憐鴛錦裁春衣  
夢中花滿瀟湘岸醒後潮生燕  
子磯燕子磯頭春色多  
雨花臺上夜如何江梅吹落桓伊笛  
江月寒生白苧歌  
楚江水入吳江水波影淪漣  
月千里寄語瀟湘對月人  
相思相憶今如此

謝熾昌

字翼昭  
興海人

詩文草創小傳謝職昌詩絕無蹊徑自抒胸臆慈水姜  
宸英贈詩云江湖帶雨過寒城十五年前途憶此行邂逅  
幾回成老大風塵何處足浮名春生海上雲霞氣日  
煖籬邊鳥雀聲知爾西堂吟正好到來誰共酒杯傾  
獨上靈峯寺

看山意已迫入戶只雲封僧舍無人問泉流到處逢短筇隨  
草徑孤屐歷高峯倦鳥無還影行歸半嶺松

何國仁

字道安號匏菴山陰人  
著何子客草肩瓢次韻

潘桂堂傳器曰先生於崇禎末年由順天諸生聘修王  
陳以思入貢例得赴選人  
本朝定鼎後歸越家已中落時假館江淮間放情詩酒與  
章雪菴葉落仙何昭侯諸名士相唱和歿後其諸孫編  
其詩文爲道安先生集十二卷

秋日村居招董子猷草酌

八月東皋菰正肥故人相就酌清暉柴門樹密秋先老好客  
家貧見亦稀此日盤餐殊有愧頻年湖海竟無依殷勤不厭

重攜手白酒黃花醉未歸

葉雷生

字蕃仙山陰人著遊滁草

黃間平日蕃仙自立在千仞岡宜其所詣高絕舊刻  
遊滁草多悲涼之色近復雄深俊激進乎純粹矣  
毛大可曰蕃仙詩如蜀山弄雪高永而秀朗擬古  
諸作放懷徒歌自爾隱心惻惻此情至之謂也  
孫度曰蕃仙係前  
明崇禎壬午舉人

聞陳四玉倩授東甌學博

夜堂蟋蟀動秋寒塞雁封題珍重看去國舊懷江總恨故人  
新授鄭虔官射潮地軸心猶壯獻策天門路較難却憶十年  
同作客旗亭風雪渡桑乾

向

璿

字鼎山山陰人著志學錄

方雨忽霽少頃復雪

陰雨未移時晴光散夕暉天高增野闊雲去放山歸滴瀝巖

雨浙輜軒錄

卷四

何國仁撰璿向璿

七



泉細楂枌樹稀須臾飛霰集四望復憇微

朱用調

字子餘山陰人著周亭詩集

朱彝尊曰子餘五律原本襄陽太白故以跌宕見長誣之如食哀梨但覺甘脆七言如古祠老樹寒鴉集官路斜陽牧馬還亦名句也

### 西陵望江樓送客

驛樓數去程臨別酒復傾幾日樓前柳春風吹滿城雲帆忽  
遠去水鳥齊哀鳴浩蕩西陵路離懷若與并

### 送陳無名歸暨陽

歸去楓溪好千山如畫圖花邊開板屋竹裏見晴湖送爾惜  
芳草到時聞鷓鴣應憐浣紗石酒罷月明孤

### 鑑湖寄錫鬯

煙暖紅蘭新鶯鶯飛近人一壺如碧玉愛此鏡湖濱年年二

三月日日桃花春不減武陵渡欲邀劉逸民

史在朋

鹿州詩選作在明字晉生號

姚江詩

存在朋少為諸生受業於黃漳浦時漳浦方祭

告偶

在朋以詩文為贊漳浦器之曰今之杜牧之也

賦詩贈

之後在朋以志節見重鄉里論者

謂黃門

二首在朋猶叢山之有姜希轍云

月下聞紅綈歌

海門月出江城秋秋風颯颯哀江頭鄰女深更眠不得當樓  
抱月彈箜篌箜篌咿啞彈未歇玉女吹花白如雪一曲江風  
飛入雲天上姮娥亦離別思婦開簾玩月華征人海上怨琵琶  
相憶交河千萬里誰道江邊是妾家二十五絃彈不住水  
月迢迢隔江樹泣下流黃烏夜啼聲聲吹向郎邊去

俞

鼎

字舜仲號石壩餘姚

來集之秋吟集序畧曰石壩樹菊東籬泛舟南浦翦菱  
荷以為衣釀湛露以為漿故其詩以烟霞之氣發金石

之聲

毛奇齡秋吟集序曰秋吟風旨道上梗概多氣雖縱橫睥睨要歸大雅

雪中寄懷毛大可

句踐城南話索居別來清雪灑庭除  
梅花繞榻應呼酒嶽色當窗定著書  
廿載疎狂同叔夜千秋詞賦勝相如  
月明擬發山陰棹一訪西河高士廬

溪上看月

天許放閒身行歌溪水濱  
風微波影細烟淨露華新  
松韻如呼鶴山青欲近人  
蒼茫千頃碧相約採江蘋

虛憇殿

宰虎臣東陽人著一草亭章

金華詩錄虎臣性坦易年少如老成人  
蜂窠金壁元雅重之時魏瑞卑毒羅織  
東林懋殿陰為保全善類鼎革後以詩  
歌為後進領袖其族孫士鶴創立社會  
邀之執牛耳耆年神清識朗以上壽終  
至易贊猶諄諄為人言

某事出某書某典故出某朝也所為詩頗工于結聯使  
意不竭游壽山追憶黃晉卿詩句有感云徘徊重憶前  
人詠又見華胥一局殘夢春先一夕小飲云流連卜夜  
難為別其待春光逐曉來夜飲水月軒樓中云是處輝  
霞收拾盡山僧歸去也

風流殊覺縹緲有致

卽事

時避兵李家

不謂經多難翻成得勝遊一菴高出嶺萬木老生秋山月清  
人思天風沈客愁况逢賢地主杯酒足淹留

雨夜過伯楨談

書屋更深雨未收閒將奇字問朋儔一燈遙映千竿竹五夜  
相看兩散裘薄酌村醪差破寂浪談心事忽添愁永懷輾轉  
難為寐聽得雞聲欲舞劉

金

光字公純

徵獻器倘可喜平廣時光在帷幄陰活人不可勝記性  
高瞻好文寶朋滿座相與談藝賦詩可喜子之信之為  
朝折檻野錄卷四 盧慈殿金光

逆也殺光時光子以制己爲可喜壻卽娶妻歸家以桐  
雖藩壻恂恂如寒素士妻亦樸儉如卹姬手縫紉不輟  
御邦賢之光在廣或贈以詩曰公在王門好行德手作  
風雷眼水雪西山爽氣雨條風北海芳樽千里客又曰  
陰符勞借箸仁術起投竿並見佩璜

過問歸亭有感

容易風塵老客顏宦遊能得幾人還六橋桃柳家何在百粵  
文章淚欲潛驛路秋雲江上雁鄉心夜月夢中山寧知幻累  
情先覺袁女當年返玉環

林必登

字翰仙  
永嘉人

贈體印上人

蓮宇依齋背花塋倚巖川山山青送黛樹掛綠生烟悟徹江  
聲苦心間海色鮮蘭盂清曉氣茗椀洗春泉入望銀城迴浮  
空寶筏懸雲垂龍聽法林動鳥歸禪鐘磬波間月樓臺水底

天昔曾從而壁今亦幾忘筌香積僧廚午菩提佛國年西來  
當日意誰共遠公傳

卓

禹字肖生號海  
駒瑞安人

竹枝詞

嚴陵灘水清照眉六管灘頭濁似泥一樣高灘兩般水那識  
郎心歸不歸

吳

川字東溪  
平陽人

郊行

日昃秋雲薄郊虛田舍稀魚磯誰獨釣鷗鳥自雙飛新水見  
人影涼風滿客衣欲沽村店酒紫蟹正初肥

過張氏別墅

一片閒閒地幽棲只數間葺牆閑俗敝花逕入春山池草催

詩綠湘簾映竹斑坐看松雨過雲其意俱閒

夜泊瓜洲

江風吹酒醒江月上初絃燈影中流寺歌聲兩岸船鄉心懷  
越土詩思滿吳天嘹唳孤飛雁衝寒下渚煙

春興

弱柳垂陰暗小堂捲簾山色對吟牀五更風急梨花少二月  
春深燕子忙茶破月圓浮鼎細草紫書帶覆堦長別來渴想  
平生友多有新詩肯寄將

查詩繼

字二南號愚翁又號樊村海寧人順治甲午舉人  
官霍邱知縣著肅肅軒案北窗小草樊村集深寧

齋記

葉

俞寶華目查詩繼知霍邱縣有惠政去  
之日父老請省繼請保畱終以乞休歸

讀元道州春陵行有感呈上官

民命真當惜守官良獨難不因兩稅緩那得一州安署考甘  
中下臨危耐錯盤心肝奉

宸極畱向

御屏看

何元英

字黠音秀水人順治乙未進士由行人歷戶部郎擢御史累官通政參議

稿李詩繫鏈音授御史時屢上封事皆闕大政生平慷慨急人患難性好客戶外屢常滿酒鎗簪珥時在質庫中

藤陰雜記海波寺街古藤書屋康熙初何御史元英寓此名丹臺書屋王微齋汪蛟門譙集有詩丙辰朱竹垞來京有飲藤花下詩云令卿宴客已無錢時官鴻臚少卿假歸後竹垞接住此屋今人但知竹垞寓舍不知前有何少卿也

送楊武部奉使交趾

甲帳雲從象郡開天南驚見使君來清風不羨珊瑚樹海日



遙明馬援臺澤徧雕題蠻獠舞檄傳浪泊鼓鐘迴佇看萬里圖

王會漢殿真需論蜀才

湯

燕字金鉉東陽人  
順治丁酉舉人

夜泊安山看雁落

返照蒼茫暝色寒雁行嘹唳下西灘江南爾去應先到爲我遙傳歸路安

陳源世

字子達號適齋海寧人

題寄菴兼懷宋人遠

雲構依巖出秋深一逕通江天難辨色樓閣迴含空有竹峯  
峯翠無花樹樹紅長懷入蜀者吟苦萬山中

田

徹字道耕號潛池  
漁隱海寧人

俞寶華曰田微卽陳確映昭  
詩所云道耕自隱者是也

登紫微峯和章孝標韻

散步高峯上披襟坐翠微  
蒼藤穿石冷古木礙雲飛  
路僻苔欹杖山空翠溼衣  
隔林清磬度明月送人歸

徐

鯤字左魚  
海寧人

秦王松

秦王松五大夫  
膺帝爵離帝都  
寒溪無聲草木枯  
白鶴來巢

第一株

楊廷棟

字豫楨  
海寧人

餞燕

念爾離堂幕南歸亦壯哉  
棄巢知不惜戀主得無哀  
荒草悲吳苑寒烟下越臺  
海天彌望闊再到待春來

吳太冲

字然真海寧人

蘇聯口太冲崇禎辛未進士官司業中允入本朝不仕優游林泉以終著息心窩集

青青河畔草

柳色今朝是春情明日非春情與柳色相照復相違對鏡初停織行歌自采薇紫駟陌上佳夫堪夢中歸無計酬明月纔昏便掩扉

高思謙

海寧人

莫春過拙園

地癖曾無車馬喧紆徐一路入空園雨啼桑外鳩夫婦春長林間竹子孫十里溪光涵水榭幾重嵐翠鎖柴門輞川地隔孤山遠遊釣名傳角里村

雲岫菴

飛閣臨高磴攀蘿興轉濃長天低遠樹怒瀑瀉危峯經隴前  
朝字僧談往日踪白雲迷去路謾謾聽風松

邵

鼎字子大號雪  
青海軍諸生

讀書藻野園

綠覆雙扉一徑斜行吟不斷細煙遮堤牽柳恨時生雨池課  
魚糧更落花欲覓好懷酬勝地且畱幽思駐窗紗閉門靜坐  
纔經月幸未匆匆負歲華

蔣作楫

字韓方海寧諸  
生著適齋詩草

汪淮曰蔣氏以詩文名者如伏羌令南邨先生湖廣學  
使擬齋先生其尤著也韓方胚胎前光好古續學其詩  
天機清妙不爲險怪深癖之句  
尤工繪事殘縑零幘人競惜之

同人遊昂驤舊園

惆悵田園主已非烟霞空鎖草痕肥敗牆有址牛羊牧破屋

兩浙輞軒錄

卷四

吳興曹意齋  
部鼎蔣作楫

七

無人鳥雀飛昔日琴樽良會數此時簪履到門稀炎涼聚散如碁局每一經過歎式微

虞相

字在欽嘉興人著復旦堂集

樵李詩繫虞相堯爲前明給諫廷陞子崇禎壬午舉人國初以母老陳請終養

除夜感懷

浪擲金錢卜大刀絕裾未忍豈鳴高灌園何事營三窟攬鏡

新知有二毛短笛笑吹詩玉案斜封恥進鬱輪袍

新恩雨露容將母

感馮中丞郁大理得請

折得梅花當木桃

注

字無上更字爾陶嘉興人著自城道案

樵李詩繫汪挺爲前明崇禎癸未進士不仕書法似歐陽率更年六十五無疾而逝

朱太守鶴洲草堂落成同諸公讌集

澗澗巖削徑初成雅稱歸來物外情近郭門無軍將打過橋

龍有佛燈明雙栖煙島昂藏崔獨嘯風林斷續鶯敢謂幽蹤  
希二仲深煩折簡費將迎

夏

駟字文茵號宛來烏程人康熙己未舉博學鴻儒著洽然堂集

吳興詩話康熙己未鴻博之選吾湖只舉夏宛來駟旋以黃譚未試借趙黃門古士止交城任著交山平寇本末採鐵鑄劍佩之有青鋒三尺腰間雪珮管干技藝裏花之句著焜溪集論落以終訖閭學淵詩一笑功名看塞馬忘懷心

陽灘

巖嶂週遭碧蒼茫去住間萬松明遠雪一確響空山背日柴門閉穿雲樵路開此中真可樂漂泊幾時還

袁

秣字丹六嘉興人一作海寧人

燕山旅懷

上谷稱天府雄圖自昔開停車碣石館置酒華陽臺醉舞高

折臂平溪卷四

虞和義汪挺夏駟袁秣

六

虹動商歌白日哀千霄恩奮翮振袂拂黃埃

沈

章

一名璋字宗玉嘉興太學生著苧莊集

稿李詩樂宗王居嘉興之自苧村有魚梁藕花淑水竹灣諸勝皆自爲題咏集名苧莊顯能拔俗

淮陰侯祠

淮水十畝泥半石行人入門三歎息王孫功高天下疑赤龍  
雌雉俱慙德前有渭水後桐廬進則不足退有餘曷不歸釣  
城南魚

靈谷寺看梅

下馬看碑度孝陵山椒十里樹層層半開香氣清於水一路  
人家靜似僧春動粉牆都化蝶夜寒花片欲成冰無煩襪被  
兼燒燭月白煙黃睡未能

沈文輝

字履亨嘉興諸生著瓜田遺藁

西莊

乍喜人烟接都無俗客喧漸能諳稼穡不復厭雞豚仄徑苔  
梅古疎籬竹屋存東塍近僧院清磬報黃昏

孫一驪

字天卿秀水拔貢生著輿隱居集

重過高工部寓公西園

十畝閒園舊板橋道南重過黯魂銷秋花黃蝶猶成隊曉露  
紅蘭惜易凋事去英雄時坎壈年來車馬巷蕭條靈均一去  
何由返空對江潭賦大招

金蘭孫

字德友秀水諸生著鐵巖集

詠懷

萬籟吹至音悅耳非絲竹至道有餘甘所懽非粱肉衣被蓋  
天下何必綺與縠貴固非吾榮賤亦非吾辱栗栗同履冰粥



詩法雅集全

粥若捧玉毫髮若有違海水終難沃

高道素

字元期嘉善人

閩歸漫興

暑往雪載零寒歸歲方煥風波餘惴惴門庭幸肅穆青苔上  
短牆黃葉覆深屋林香放早梅徑淺難疎竹窮途感伐檀力  
耕代微祿閉門方倦遊鳴琴散幽獨坐覺道心長寧憂去日  
速

吳謙牧

字良仲海鹽人藩昌從弟諸生著困勉齋集

精李詩繫謙牧亦以母喪哀毀卒與其從兄藩昌里人並稱孝子

谷水歌

雲峯九十九蒼翠滿山松借問清秋月先懸第幾峯  
我登湖上樓湖上秋風發蕩搖湖水光欲墮雲中月

徐仲選

字華海一字桓友海鹽監生著崔友詩藁

水村

照檻晴光眼未迷  
瘦藤斜影度橋西  
沙頭白鴨黃鵝睡  
籬畔竹棚豆架低  
屋似魚船疎荻繞  
亭如僧笠穉松齊  
此鄉風景真堪戀  
只合攜鉶老菜畦

姚世靖

字子清號藥師平湖人著翠樾軒藁

錢仁榮曰藥師居廣陳之南溪爲詩秀逸一空俗調

今昔行悲老嫗有序

余少失怙以族子兒撫於叔父故大司寇公每朔望  
一入至陳淑人所見所爲傳嫗者主守門旣司寇淑  
人相次下世不數年子孝廉又殞高臺曲池半爲蔓  
艸傳嫗故在儲千里之豪以食余感其貧困又以盛

衰之故愴然于懷爲作今昔行以寄意焉

春風老嫗悲南陌淚如連絲啼不得曾是朱門舊日人今來  
宛轉無衣食憶昔尙書全盛時雁行珠履何差池連雲甲第  
倚雲漢中有金屋多蛾眉歲蕤鉶鎗黃金鋪屈戌盤龍雙轆  
轤南窗北牖隱相望惟容此嫗當闢呼晝逐瓊筵洗鑿落夜  
趨綺帳拂流蘇是時竹馬余翩翩烏衣伯仲羣少年競賭羅  
囊走堂下獨成蠟鳳戲堦前中間令弟託心素春草西堂夢  
佳句衰兀應高定國閭悲涼却埽延年墓一別人琴遂杳然  
百年書籍終誰付山陽思舊空笛聲平原歎逝徒詞賦昔日  
池臺生棘榛清歌妙舞共灰塵龍鍾白首還淪落乞食常從  
舊止鄰吁嗟世事無不有海水蓬萊幾回首茂陵高臥馬相  
如終年消渴長著書因風爲問青雲客何處紅塵無覆車

子

琳字貞琳號甘山平

構李詩繫甘山少承父志述三易得留學九卷廣變四卷象告二卷皆原九圖之意以立言生平好接異人上至天文家下及地理諸書以至馬杜二氏之學靡不精通妙繪事善行指晚年忽盡去其學發大藏諸經倪首沈思疏注撈嚴法華華嚴諸部接運精舍累月不去啖菜飲水居然苦行卒于康熙庚申年八十五

贈鄒兩為備兵西寧南歸里門

建牙開府黑山東此日聲名在五戎首藉花濃苑馬健蒲萄  
酒熟成樓空風高吐魯驚傳箭雪滿蓬婆競挽弓生入玉門  
班定遠何人重報月氏功

戈中

顏字魯公號又度原

橋字詩鑒又度善書工篆刻亦能詩老而無子寒餓以終

和屠我法雙梅詩

寂對難追冰雪經芳聯伯仲翼荒垌風狂骨立高嵇阮雨妒

香孤泣尹邢接武珣談桃富貴比扇笑慰竹飄零爭春凍雀  
喧空谷相顧聊堪影贈形

朱萬鎬

字潔湘桐鄉人前明崇禎丙子舉人順治初官樂陵知縣著歸來日注惠風堂集

僧房看蠟梅

風光浪擲惜年華已見新黃作異葩仙骨夜涼偷玉笛小香  
冬暖透鮫紗坐無俗客妨佳句庭有幽禽守凍花都說上陽  
金谷好如何及得老僧家

沈廣興

字騶士號瑤川烏程人著菰廬集

坐雨

震雷開夜半驟雨至崇朝野水高平岸山雲亂壓橋吳關愁  
裏度越國望中遙十畝溪田綠何時看插苗

沈調元

字子鍊烏程人

懷大兄雪樵

早戎聲名震雉壇推顏霜鬢舊儒冠同枝兄弟他鄉隔半世  
飄零一面難哀爲江南遊子發淚從燕市酒人彈杖頭應念  
歸休計形影天涯老自看

故國風流一夢如生涯久矣付樵漁烏衣門巷非前日綺里  
冠裳有廢墟離亂始知高士傳老窮深信絕交書升沈我亦  
從吾好不向枯莖再卜居

鄭興田

字未詳臨安人順治己丑進士官吏部員外郎

神仙宮禮斗壇

夜斗朝眞玉漏寒幾疑環珮擁仙官星攢碧落珠千顆月浸  
丹臺雪一盤天樂幾時曾駐鶴彩雲何處又乘鸞石牀風雨  
連秋草閭宇無聲白露殘

兩浙輶軒錄卷四

朱泚錄沈氏

三

沈士顥

字詒先一字心石

袁鈞曰沈士顥爲前明荆門知州延祉子明亡後棄諸生年才二十四鶴林八子士顥其最少也杭之遺民如汪風徐蘭生皆願重之尋以事下獄高斗魁兄弟救之得出頻遭摧挫不永其年論者惜之

畱別董在中山居

欲雨催歸速踟躕未忍還懷君如皎月別後亦青山鳥不隨雲隱天應與世閒莫忘予善謔聊自解愁顏

張兆林

字翠峰

立夏

疊雪羅衣換夏天鶯聲喚醒綠楊眠春何不閑二三月老想還狂一百年紅飯香新兼豆軟黃魚味美帶冰鮮畏炎蚤與園丁計蓋個松蓬近檻邊

水寶璐

字上若一字清泉

鄧人著問心齋集

袁鈞曰水竇瑤  
為前明佳允孫

秋懷

楓老歸殘盡山秋入暮琴檢書呼子讀得句對妻吟酒浸盃  
中月霜飛石上砧懷來愁莫解不覺淚沾襟

孫文祖

字華峰  
奉化人

夜坐

雨歇宵影澄天清月華素空山秋欲來涼意先在戶蕭蕭林  
樾風泠泠幽篁露草蟲亦何知含悽感遲暮神機運寒暑物  
化遞新故深思無與言美人隔江浦

洪崑

字石香鎮海人  
著坐忘齋集

袁鈞曰洪崑為明季諸生晚隱於緇衣其祖應科  
字振河由舉人官順慶府同知殉難贈尚寶卿

李吉歸自婁江賦贈

兩浙輶軒錄

卷四

洪崑  
孫文祖洪崑

三



韓陵一片石五月落梅村慘淡名山業蒼涼國士恩青雲高  
健筆白雪動離尊千古婁江上人傳孝里門

澤國二千里茫茫客入吳亂煙平楚合寒雨大江孤寸草心  
何補豐碑泪欲枯城頭一片月夜夜照啼鳥

朱禹錫

字孟璜山陰人順治乙未恩貢生官  
山陽知縣入爲吏部稽勲司主事

孫度曰先生官隋舊無可考據府志選舉知爲順治乙  
未恩貢生毛太史詩集有寄朱大禹錫出宰山陽又有  
山陽贈朱明府詩及喜聞朱山陽遷吏部稽勲詩  
知其由山陽令內擢稽勲也然所見者止此而已

雨不止

江城雨暗夢難通蕭瑟寒風動遠空一枕離愁催蟋蟀萬家  
砧杵老梧桐澄清漫切中原志疏鑿深思河洛功寂寞不堪  
重悵望泰山鑑水恨無窮

馬允璜

字玉起  
會稽人

越郡詩逕玉起詩嚴娟秀聲  
情合古遲慧雲詩則俊似阮

### 期慧雲不至

孤棲遠同至際爾深秋時  
洽洽霜葉下曠然懷所思  
憶昔始分手爲此山中期  
繼繼雞黍約所盟良不移  
計程日遼邈悵望來何遲  
葳蕤芳艸合慘淡巒谷迷  
頽景映林杪漸覺行人稀  
掩扉還獨酌何以慰調飢

### 夢陶大復

秋風淅淅寒漏長浮雲飄忽從風翔  
故人一別久未見中宵夢見猶在旁  
尚憶元言得奇趣相攜其倚山中樹  
醒來自擁市被眠稍覺烏啼達天曙

王雅禮

字文叔蕭山人  
著高峯橋詩

毛奇齡題王文叔詩冊曰文叔身隱而文遨遊吳楚間  
爭欲刻其詩人見之者以爲近于襄陽云向選文叔詩

何所著于象

冬口

朱禹錫馮允強王維禮

三

世爭誦其排律百韻近文  
叔製樂辭一卷凌棘漢魏

喜弟至

春杏雨霏霏行人薄暮歸久占烏鵲信忽對鴛鴦飛山笋連  
根白河魚帶子肥池塘還得句與汝笑萱幃

朱玉貞

字斯佩蕭山人  
著天香樓集

毛奇齡天香樓集序畧曰子詣斯佩斯佩出詩數百首  
時盛暑坐林下索子題定特為編摘乃得存則是斯  
佩是集以于所點定特為編摘乃得存則是斯  
佩著述皆可傳而惜子之不盡為點定之也

北幹晚眺

春色望來同陰陰萬綠穠人家楊柳下佛寺薜蘿中江氣蒸  
雲白山花帶雨紅晚晴坡上坐拂拂起松風

施

楨

字文多黃巖人著  
其寒集象緯賈疑

贈長洲郭凌雲先生

秋高紫氣接天台千里姑蘇策蹇來匣裏劍光寒斗極袖中  
詩卷挾風雷夷門結客多奇計碣石談天自映才駿骨山來  
推郭隗黃金此日滿燕臺

潘汝慶

字宏甫號休庵太平人

陳焯曰休庵詩才清逸何仲倩謂其得海東山川之秀

### 過范令公草堂

烽火驅人客異鄉相逢攜手語滄浪同君修竹林邊過指我  
白雲深處藏秋水石橋嵐影淡春風茅舍草花香此中好景  
憑收盡笑被移文到草堂

季廷梁

字劍菴號冰軒太平人順治戊子拔貢生官普寧知縣改典縣著蹟游仙羊鬚餘諸草

陳焯曰廷梁知普寧時郝逆作亂身冒矢石長子炎職歿城陷不歸被囚次年

王師

抵城復公依栖山砦中以次經理地方始有起色改典縣冰蘂自矢去任日民有知縣歸官費一頭詩案一

兩浙輶軒錄卷四

朱重九地積潘汝慶季廷梁

頭娥之謠俗  
以妾爲娥也

海陽獄中作

纔鳴堂上琴忽作帳下虜  
劫我篋中書奪我肘後組  
匏繫同妻孥瓜分盡童豎  
逆威恣鞭笞辱軀困囹圄  
一死良吾分輕生恐無補  
鸞鳥學早飛冷眼看狐鼠

送春

春來我不覺春去竟何之  
痴蝶耽餘夢殘鶯惜舊枝  
登樓芳草暮走馬落花隨  
送爾誰爲主青山獨自支

諸葛麒麟

字走聖蘭  
鄧貢生

送趙總戎鎮寧夏

羽騎將三萬銅符鎮朔方  
劍光隨月白兵氣聚雲黃  
雁塞求封邑龍堆認戰場  
知君真將種計日聽平羌

盧光煥

字玉成東陽人以諸生官長安丞著擊筑吟

金華詩錄玉成有四方志遠歷荆楚汾晉齊魯之鄉所作詩有南北遊草凡五刻皆佚僅存擊筑吟乃入都時也

鷄鳴山

明月山前鐵鑾哀楚軍拭淚盡東回歌聲不是尋常調吹散咸陽一炬灰

張

俊

字公頤永嘉人

中川

盤桓凌空亦壯哉水晶宮殿此中開雲扶塔影隨波湧風挾潮聲撼地來落日寒蟬鳴綠樹荒亭古碣繡蒼苔淒涼畱得雙祠在千古精光射斗台

楊兆岳

字鍾五永嘉人

再折舊牙錄

卷四

讀詩賦盧光煥張俊楊兆岳

三

送法幢大師之大梅并遊台宕

化人遠在海天垂手把孤筇一問之道契寧辭千嶂隔身閒  
只有片雲隨石梁月落應留傷雁宕秋來好賦詩此去歸期  
難屈指門前記取舊松枝

詹堯廣

字德運永  
嘉恩貢生

中秋宿孤嶼

明月中秋好江天正次寥樓臺沈暮霜鐘鼓咽寒潮龍女珠  
明滅皎人室動搖題詩誰與共珍重此良宵

吳經國

字大猷號玉  
蒼永嘉人

過劉長孫齋頭對月

逸度翩翩命世雄投簪偃息謝池東醉疑月色半林雪靜聽  
松濤一枕風春樹每懷經歲別芳尊更喜故人同南山未許

將軍臥畫角秋生動玉驄

金

鏡

字金心  
長興人

陳焯曰金鏡爲前明崇禎間歲貢隱居不仕

思婦

簾捲西山暮蕭蕭人倚樓寒雲遮遠道昨夢到伊州白雁橫  
空度銀河直北流蘂砧消息斷心折大刀頭

和友人見寄

隔歲相逢碧樹秋故人零落憶同游傷懷漫下山陽淚乘興  
還來雪夜舟春樹狂歌呼白墮曉窗起舞拭吳鉤思君極目  
遙天際海嶼雲霞結蜃樓

范奇英

字異生鄞人順治丁亥拔貢生

金陵九日

兩浙輶軒錄

卷四

廣吳興國金鏡毛鄭范英

志



登高兄弟各天涯  
落魄龍山愧孟嘉  
雁背夕陽來舊浦  
馬蹄明月到誰家  
諸天增迴浮郊樹  
六苑臺空墜砌花  
一望長江感蕭瑟  
秋風隨處老蒹葭

王

錫

字禹功號懷雲遂昌歲貢生者偶時吟

此君亭詩話禹功詩別有畦町集中杜門雜詠自一東至十五咸分韻各賦一首句如命定只宜從我好數奇何事乞人憐世上風波原不定胸中冰炭老方消最喜閒雲無定體誰嫌好鳥不時鳴閒吟每每蕭雙鬢酣睡油油尚一肱饒有風致

夏日

長夏村莊靜蕭然  
興不羣鳥聲高枕得  
野色捲簾分煙雨迷  
山黛藤蘿鎖夕曛  
家居無別事耕讀正須勤  
長日真如歲疎慵盡閉關  
杯中惟白酒戶外卽青山  
坐此能逃暑因之暫得閒  
老夫倦纂述絕似野雲頑

樓啟瞻

字公肅浦江諸生著北征燕懷

樓中元日公肅博覽書史邑侯息庵黃公重之嘗遊金臺歸訪江南粵東諸名士與唱和詩格特清迴道上

遊錫山

層巒渺翠微薄靄欲侵衣湖海連天闊風雲挾日飛龍文寶

劍氣烏詔玉琴徽何處蘇門嘯山人半掩扉

范兆芝

字香谷鄞人著復旦堂集

續青舊傳西湖七子雪樵年不滿三十天益香谷年皆不滿四十故其所造多在秀而不實之列然馮獻王之

長年不如汪童之殤天固無庸以是為諸子惜也

袁鈞曰范兆芝為我躬子江干立國嘗為亂兵縛去逃

入空山七日不食且死故人周義士挾之次年十月與

於甬上五君子之禍僅而得免又三年為山寨所連蓋

五年八徙家凡三破乃定居於鄞陸宇燦輩以兆芝至

大嘉下是有七子之集兆芝雖甚困然見義必為張肯

堂之孫茂憲既出獄時歸華亭兆芝親為送往與肯堂

故將汝應元謀其家事既歸益寡授徒黟湖之上後以謀葬父遊粵中卒

兩折舊耳黎

王錫

天

雨阻西陵宿僧舍

數載兵戈滯客樓連朝風雨斷江舟海門高浪橫雲黑吳地  
蒼烟入郭浮梵磬冷回千里夢佛燈青照百年愁殘年搖落  
征途遠漏滴宵長欲白頭

陳獻球

字翔皇鄞人著  
浣花莊奇肱草

續耆舊傳陳獻球有子聚奎游幕府死遂無後其詩  
言聚奎死象山時信郡王駐兵於此殆其參佐耶  
袁鈞曰陳獻球在前明爲貢生少有大節北都  
之變上書南樞史可法請其勤王明亡後高隱

金陵懷古

鬱葱山勢大江浮歷歷黃圖古帝州閭闔九天開複道衣冠  
六代儘風流千官高塚麒麟臥一片寒蕪麋鹿遊滿目風煙  
荒殿裏故宮絃管後庭秋

劉純熙

字晦生慈  
谿諸生

目錄

牛羊下日夕素月柴門生宿鳥樹高下微風雲重輕孤村轉  
聞寂萬象歸虛明地僻無鐘磬惟聞泉夜聲

全大鋪

字聲遠一字碩人鄧人著錄詩草

袁鈞曰全大鋪爲少微孫盛德篤行亦林岳隆澤瀾一輩人

山居

紅塵飛不到青山小結衡茅獨掩關野鳥亦耽幽處好塢花  
長伴老夫閒稻黃五畝家纔足筠綠千竿手自刪更喜蟹肥  
新釀熟鄰翁呼我醉溪灣

吳山

吳岡形勝大江環九劇三條指掌間挾彈王孫金勒馬焚香  
少婦綠雲鬟路通碧漢懸雙磴樓捲珠簾見萬山獨有子胥

祠外月年年相送暮潮還

沈光杰

字士掄鄞人著楚餘詩草

立秋日西湖寄家書時將入蜀

欲將短句記西征無奈臨風百感生  
葉下又添搖落恨帆飛先動別離情  
幾年客况羞妻子一紙家書囑弟兄  
蜀道崎嶇都莫問最憐人處是秋聲

鄒

泰

字保臣奉化人著墨莊逸乘

袁鈞曰鄒泰行高學博明亡隱居不出

田家

耕樵安素業喜得數經過飯以辛勤得忙因兒女多客來羞野饌人語怕催科  
曝日籬邊坐商量歲若何

戴

浚

字南泉奉化人著碧蘿集

護聖寺宿雪岩上人房

扶藜尋勝覽躡躋度危岑欲結白蓮社欣逢支道林柏蘿棲  
梵埵水石護禪心入夜空山靜猶聞鐘磬音

倪會鼎

字子新  
上虞人

傅王露撰傳畧曰會鼎文貞公子也幼侍文貞于京邸  
偶憩街下有中貴數人望見叩角儒雅遣使請接席會  
鼎念父方奏撤官宦亟引去時纔十四齡耳黃道周謫  
官至越鼎從之受業其後周旋忠難間析性命之學文  
貞殉國祖母既大耋母又屢欲殉死遂杜門奉養頃刻  
不離康熙十年  
詔舉山林隱逸有爲  
推轂者力辭之  
越風子新先生名德碩望推重一鄉其弟恒國先  
生名會宣亦持身高潔工隸書惜無詩文傳世

謁文信公祠

丞相荒祠近杏壇森森古柏覆苔寒匡山萬折身同盡柴市  
千秋血未乾天地於今留正氣故鄉何必遂黃冠我來憑弔

秋風候宛是睢陽廟下看

陳翰邦

字令商郵諸生貞從弟

初霽泛舟郊遊適遇故人共載而歸

輕風送雨過前岡巨浸黏天浴日光一棹遠涵青嶂影片帆  
低染綠蘋香橋通北渚逢漁舍路轉西河見草堂適遇故人  
欣把臂相將斗酒話殘陽

林

健

字子強永嘉人

東顧詩存林子強爲永嘉五子之一

苦雨

滿日愁雲結窮居日似年溜穿榆莢地寒入楝花天香粒愁  
鸚鵡春魂弔杜鵑歌聲出金石誰問子桑賢

寄吳江汪無我

雨過殘冰出澗流荒林寒色對離愁懷人我自勞清夢作客  
君應老素裘半部烟花三閣夜一春蝦菜五湖舟追陪曾憶  
松臺月短笛遙吹白雁秋

黃厥昌

字燕及  
永嘉人

春暮尋陶貞白丹室故趾

仙境人初到花飛春已深白雲橫舊嶺丹室隱重林不見金  
銀氣惟聞山水音浮生爲物役暫且寄幽心

鄭文標

字丰人  
永嘉人

村居吟

南村堪適性結屋傍烟蘿暮雨連蒼野春風又綠波琴懸山  
色靜門掩竹聲多爲愛相過者流觴憶永和

送朱周望先生歸雲間

兩浙賸餘春卷四

陳翰邦林健菴鄭文標



蒼茫雲樹擁驪駒地接平原路轉紆千里文章推二陸一時  
詞賦重三都鶯聲曉送人遊越柳色遙分棹入吳倘爲永嘉  
傳勝蹟笙臺亦在筆中無

屠國檀

字香若樂清歲貢生

春興

閒行無事到山家獨木爲橋徑轉斜一片綠楊鶯對語雙雙  
飛度碧桃花

趙君宋

字二酉樂清拔貢生官湖州教授

送崔五竺自苕溪

君訪烟波舊釣徒冷齋醇酒夜頻呼十年新出三都賦半笈  
長攜五嶽圖春雨乍看苔斂合秋陰行送箬帆孤匡廬應得  
上宏待回首苕湖雁有無

吳山濤

字伯觀號塞翁錢塘人前明舉人

杭州府志山濤工書畫而尤長詩解組後浮家泛宅往來苕霅之間以餘餘景當出關曾賦西塞詩三十首因

自號

塞翁

### 西塞詩

紫塞長城路極天  
祁連山勢接居延  
平沙漸潤明馳沒  
短草初黃怒隼偏  
亭障夕陽空大漠  
羽書秋汛達甘泉  
安西近日無征戰  
風定轅門鼓角傳

龜茲原隰古涼州  
五郡雄藩控上游  
一抹羃低番部落  
千羣馬放海西頭  
居人戶壁惟弓箭  
戎卒炎寒總革裘  
六月雪山清未得  
油油禾黍又新秋

畫閣孤飛起暮烟  
城頭三面盡鄰邊  
傳呼將校車旂疾  
結束乘徒射獵僊  
霓帳夜分吹馬火  
弓刀人靜撥鵲絃  
橫天白月

流江冷不到關門不惘然

金城峭壯壓長河浩莽邊風掠怒波樓櫓晴雲明粉雉林巒  
陰雨溼青螺諸番貢馬循牆入老佛乘輶絕域過滿把蒲荷  
須盡醉伊涼新譜柘枝歌

珂甌雖開未偃兵高秋諸將領專征粟支州里殊難給馬過  
關山亦緩行棄甲漸聞燒棧道裹氊潛已入陰平釜魚籠鳥  
何須問隴蜀於今尙輟耕

莫道春風斷玉門磧間又見柳成屯輓裘午卸鳴沙暖羯鼓  
宵繁集月渾土屋女兒拋綵索毬場壯士醉蘆根征人但說  
江南好芳草年年入夢魂

胡兆龍

字子哀號其茨山陰人順治丙戌進士官至吏部侍郎名息遊堂詩集

紹興府志兆龍生有異質或吟咏矢口而成登第後改庶吉士習

國書及典史籍

御試詞臣第一以詩講學士纂修  
太宗皇帝實錄習學士尋充會試總裁教習

庶吉士署吏戶二部侍郎贈大  
戴瑛曰兆龍以學士直內廷乙未總裁署吏戶二部侍郎

世祖悼惜贈尚書府  
志云子告誤矣

登遼后粧樓觀新建白塔

春水初融太液池芙蓉紫苑漾流嘶林煙翠幌疑眉黛花露

紅牆學口脂彩現層霄多寶涌魂歸華月散香遲

恩深待放三千女不唱同心別院詞

胡昇猷字允大號貞嚴山陰人順治丁亥  
進士官至刑部尚書降副都御史

行狀畧曰公由行人遷戶部郎中出為陝西漢中道吳  
三桂反公已陞江南按察使甯辦軍需隨鎮西俘單敵

漢中兵被賊誘掠楚毒繫獄五載不屈後恢復漢中  
始得脫授四川按察使遷大理寺少卿左副都御史由

侍郎晉刑  
部尚書

兩浙輶軒錄 卷四

胡兆龍 刻昇歟

三

家傳習曰安焦氏與公同

四五載子仁治稱棠難錄

紹興府志吳逆反時會修諸葛祠昇職作碑文痛詆吳逆逆必欲殺昇猷被執後又械回漢中七日不食不死

漢南述懷

巖關雙槐樹枝條相糾紛磴道陟青天招搖亂蒼雲律律捎

竹塞谷響奔溝聞前旌未離險後車呼紛紛地利胡勿思天

險心如焚

丁

澎

字飛濤號蘅園仁和人順治乙未

朱彭曰先生少自雋才與第景鴻濤稱三丁吳樞村贈

詩有兄弟文章入選樓之句富慮詩致不振與同里陸

斯柴紹炳孫治張綱孫陳延會毛光舒獎百朋沈謙虞

黃吳諸名士力扶大雅稱西陵十子通籍後與宋荔棠

施愚山張燕明周益山蘇穎亭趙錦帆唱酬目下繼王

李西曹鵬詠之風又稱燕臺七子時

上方冊立西宮念無嫺典禮香調入東省兼主客貢使至譯

周主客為誰廉知丁持紫招銀鼠美玉象犀從吏人易

其詩歸國少自鳳樓詩流傳吳下士女爭相採摭以

書衫袖葵州吳之器有何云恨無十五雙鬟女教唱君

家白賦機其爲時傾倒如此後以事牽累謫居塞上者  
五載卜築東園躬自飯牛暇卽乘牛車手執周易吟誦  
自若所作詩語多忠愛無怨  
誹之意其所養又可印矣

長歌酬錦帆尙白

長安街頭日走馬秋憲門前馬齊下同舍爲郎三十人盡屬  
西曹振風雅大梁趙生氣若虹金石拊擊聲摩空宣城施子  
意不薄吞吐胸中半邱壑僕也驅馳伯仲間拍肩奮袖都嶽  
顏狂世手弄紫襦裂玉衣倒盡憤鼻還意氣相期在千載傍  
人視之如等閒罷直歸來呼吾友絡繹新詩滿人口酒後狂  
歌怒馬鳴夜深急雨蒼龍吼俗眼睥睨安足論海內詩名吾  
自有吁嗟吾徒聚散劇可憐脂車勒馬同朝烟一麾出守心  
怒然轉瞬各駕雙虬馴黃金之勒珊瑚鞭東方梅福俱神仙  
朝參嬾赴疲馬旋黃公爐頭醉却眠囊中笑索新俸錢

洗象行

南荒有巨獸曰象判齒磔牙鼻盈丈細目如豨耳如盎貌詭  
龐然皮色蒼去聲兒童誘之作百戲擊鼓吹簫勢偃仰飽食莖  
豆滿大斛給俸猶同百夫長花裙蠻奴獨許騎馴狎不異羊  
與犁身被錦緞金作羈屹如山嶽無差移排班朝隨羽仗立  
儼然拜舞同軍旗自向滇南入中國異物那得生西極忽產  
象犢姿態奇雪齒霜毛如拂拭黃袷飛馳報

大內

御駕親調動顏色炎蒸急雨翻白波

詔賜洗象西城河高旗大鼓引導出路傍觀者肩相摩躍踴  
奔渴氣飈奔鼓龍揮臂爭相向獠官僉點二十八掉尾旋蹄  
各殊狀似鑿昆明習水戰翻身搏擊吹飛浪我聞瑤光之精

化妝形黃門鼓吹充掖庭乘之以戰利身毒負可致遠垂山  
經執燧况能却吳楚何不摧鋒努力掃除南服風塵清象嶺  
象嶺汝莫患日費官芻供養家時時挽出天廐中常得  
龍顏增顧盼

聽石城寇自絃索歌 并序

金陵寇白本平康樂工女也十三善爲秦聲妙極諸  
藝觀容纖飾傾動左右王孫戚里諸貴人車騎填狹  
斜間後爲故元勳朱公國弼采充後庭樂伎一時教  
坊名部爲之寂然迨金陵陷沒籍入長安尤工胡笳  
箜篌宿所未試者然憤懣不得志而里中諸舊遊咸  
追慕物色得之屬其父廣募數千緡贖歸故里已流  
落十年所矣姬每抱樂器爲予述舊事泫然而悲其



音多關塞之聲哀繁怨曠不可禁止因譜爲歌以節  
之并隸樂部焉

教坊新翻十二部樂器特數箏琵琶金陵寇姬好手指亂撥  
驚風吹落花自言生長秦淮里家住朱門夾流水掛壁湘絃  
驚管長文窗畫鎖鴛鴦綺崑崙琵琶李暮笛手揣心摩窮此  
技春江三月可憐時油壁青驄夾道馳燈前含笑嬌無語月  
下聽歌出每遲粧成自惜千金意盡日樓邊折花戲停鞭愛  
看張公子挾彈從遊寶車騎候家郎第填朱輪斗量明珠不  
計身舞袖長迴趙李座歌管時傾鄒杜春黃塵碧海多鋒鏑  
粉壁雕簾芳寂寂金縷能牽李銷愁絳帷永抱韋郎感代馬  
長嘶踏錦花月明夜夜聞悲笳龍頭風烟蔡女弄虎撥塵封  
穆護沙都下喧傳禁中曲玉手搗來絃柱促五絃趙璧爲弟

子二十五聲隨調續綠腰軟舞銀甲紅金絲瓊柱相磨礪出  
破入破少曄緩大遍小遍無雷同此曲傳言玉宸殿同波簇  
拍紛難見錚錚細作金鐵鳴絲絲散亂如飛霞翻聲忽變涼  
州轍前若驚鴻後啼鵲羅襪偷彈塞上塵綠鬟猶裹沙場雪  
十載關山得此聲遷客愁聞淚鳴咽曲終酒闌鐘漏稀寒風  
白月吹滿衣長安城高蘆管急怪爾征人歸不歸

送孫無言自廣陵歸黃山

三月風吹江上柳浣紗磯頭勸君酒送客一樽詩百篇長笑  
攜來滿懷袖何事忽然歸去來蕪城亭館非蒿萊邵平亦向  
東陵老觀濤況有枚生才君不見多少宦遊人失意五斗折  
腰長作吏老大風塵未拂衣欲賦歸田苦非易君是淮南老  
逋客何惜他鄉遍遊歷屈指淨邱丹鼎成仍傍靈岩作仙第

落拓辭家二十年  
瀟陵秋草鹿門煙  
山中猿鶴如相待  
三十  
二峯頂上眠

送施愚山遊天台雁蕩歌

使君昔愛廬山遊  
踏破明月珠泉流  
一朝拂袖不稱意  
翩然振翮橫九州  
特羨永嘉好邱壑  
率爾擔簦戒行囊  
東甌太守今謝公  
折簡促赴巾車約  
我聞蒼玉石梁天  
外峯海上突掛  
雙飛龍蜿蜒嵒嵒各異狀  
空中亂颭青芙蓉  
金庭洞天拾瑤草  
能仁古剎夸偃松  
七十七峯洗空翠  
倒捫星斗垂  
當留君身原是丹霞客  
更歷仙都訪桐柏  
采藥須教控鶴歸  
雲巖不見桃花碧  
知君此遊非草草  
得過丹邱人不老  
康樂愛僻失龍湫  
謫仙徒夢遊  
天姥放服名山屐  
齒穿求仙何必尋蓬島  
青簪騎牛還鑑湖  
山中日月注懸壺  
昔人但有煙霞癖  
懷裏

空藏五嶽圖

湖上酌酒歌介周櫟園司農六十

孤山亭邊霜葉飛，段橋西畔行人稀。  
湖上千秋無醉客，酒壚空在聞鴉啼。  
櫟園丈人東陵叟，十月扁舟五湖友。  
不爲桃花與鯪魚，獨向南屏貰村酒。  
糟邱初築號酒民，旗亭拍手歌橫陳。  
俯踞高松發長嘯，振衣滄海凌蒼旻。  
古來飲者復誰是，最憶高陽酒徒耳。  
此中便足了一生，杯裏安知眼前事。  
況有春風香滿船，青山如黛吹曉烟。  
野花插鬢舞鵲鴿，玉瓷莫倒鴟夷尊。  
君不見山中一醉能千日，但教縱飲傾一石。  
十日便醉三十年，直到期頤髮未白。  
又不見梁市客日沽萬錢，長不惜紅螺滿引三百杯。  
何必安期酌元碧，酒乎酒乎霞爲液，玉爲漿。  
我爲公祝公且觴，黃金未就顏不蒼。  
求仙只在西湖傍，而

今莫被漁舟誤須認桃源是醉鄉

送劉石生之秦

萬里咸陽道三年復此行  
雁聲寒渭水秋色上蒲城  
日蝕秦碑斷天空漢時平  
尙畱雙劍在風雨試長鳴

送章載宏令壽光

巖邑望崔巍荒雲抱海隈  
夕陽平野度秋色亂山來  
虹掛孤城暮龍吟萬壑哀  
神僊多吏隱咫尺是蓬萊

送玉山長還楚南

地盡三巴接將歸南雍州  
天空一雁斷何處岳陽樓  
橘樹侵寒雨猿聲入暮秋  
仲宣仍作客更切望鄉愁

慰李琳校侍御詔獄

抗疏一何直身危履道難  
忽聞收北寺不敢問南冠  
草莽臣

無狀朝廷法屢寬

聖明知汝鸞頻取諫書看

隴頭

隴水西流急陽關此地過鳴沙迴黑石橫嶺截黃河磧裏看  
鴻小城邊飲馬多梅花渾欲折春盡奈愁何

初至靖安寄郎中諸舊友

萬里從戎路崎嶇正此行雁聲孤斷磧虎氣撼空坡淚盡慚  
兒女身危仗

聖明刀環何日約回首玉關情

送張坦公方伯出塞

昨惜江城別何堪復送君關從鴉鵲斷路並虎狼分愁劇須  
憑酒塗荒莫論文此方春不到應與雁爲羣

萬里窮沙北由來道路難馬蹄隨處滑山面逼人寒採藥屯禾峪奔源脫木灘所居多傍水肯作故園看

遼海雜詩

河流環塞入萬里永安橋直欲凌滄海無因傍赤霄窮秋煩將士大雪困漁樵耕鑿慚衰謝何曾補

聖朝

不見桃花島青其斷海頭戈船迴赤日火霧捲滄州五嶺仍開瘴三江未穩流管寧僧度此今得許同遊數遣句驪使邊陲控制強腥風吞鴨綠朔吹撼龍岡輻輳真無外旃裘尙一方海東還內地日出見扶桑

昌亭喜值令宜舍弟

兄弟家何在相逢各破顏亂餘存白裕生計累青山放艇渾

無定輕裝亦自艱行行岐路盡莫說是江關

贈魏環侯都諫左遷光祿

掖省春雲接御溝長隨天使奉宸遊詩名曾比顏光祿封事  
還同魏憲侯自是

朝廷容折檻肯令湖海有披裘莫嫌左席明廬遠退食仍趨  
玉殿頭

送孫九畹備兵保寧

萬里炎方尚枕戈旌車八月下牂牁猿聲苦霧城邊急虎跡  
荒原戰後多焚道生猿能漢語羌西諸將半渝歌休言割據  
蠶叢遠灑頰秋高迓白波

送張元林使蜀

秋原落木滿長堤馬首爭回棧嶺低樹色孤城盤蜀道猿聲



一路出巴西天垂巖洞開煙瘴戰罷空山急鼓鞞好論契中  
諸父老江邊卽酒醉同攜

送趙錦帆比部歸汴州

攜酒青門送客多相看無奈別離何漫愁關塞疲征馬從此  
乾坤有荷蓑藥鼎千年藏日月雲山一路少風波天寒大澤  
行人斷獨向夷陵扣角歌

東郊

蟬蟻險塞自強梁青海銀州總一方不斷水流聞鳴綠無邊  
秋色老龍荒五原部落如羌俗四姓良家是帝鄉滿地粉榆  
看舊社長陵風起漫飛霜

黃榆昏霧莽郊垌獵火山頭朔氣冥放馬盡來沙苑白彎弓  
直落河東青檣烏剝啄聞甌脫野月悲涼古堠亭遮莫牛並

滿陵谷可防餘盜出丁零

城邊首葢近開運寶祿彫弧異昔時片石塞雲迷獵騎萬花  
樓樹寒荒祠紫貂斜彈燕支女白馬橫行隴上兒別部龜茲  
兼破陣都將雙管夜中吹

牆子黃崖罷築營九關擐甲坐銷兵朵顏外置三千戍正統  
初屯十五城羯鼓迎神全漢臘琵琶供客半秦聲防秋萬里  
無烽堠直到盧龍右北平

見燕

杏葉新陰拂女牆風吹小燕過池塘相期定似逢寒食乍見  
爭如話故鄉弄影不教沾柳絮銜泥何惜點琴囊雙栖並翅  
與憐汝愁殺盧家春畫長

奉和梁若巖尙書見贈之作

昔侍

宸遊散玉珂郊居秋爽更如何天連倒馬浮雲斷城近飛狐  
落木多十月蘆笳吹紫塞一裘風雨渡黃河臨歧執手看雙  
鬢爭惜年華委逝波

登光嶽樓和施愚山學使壁間韻

高閣飛甍接杳冥倚闌人在翠微屏天迴大陸烟光白地敞  
中原嶽色青百戰山河供極目千秋雲樹抱空亭登樓不敢  
輕裁賦早有曹題舊客星

過長洲吳璠如邵守招飲漫賦

悲歌燕市意何窮汝向南行我向東十九年歸蘇屬國二千  
石重漢吳公他時苦憶松江鱸此夜愁聞塞北鴻休傍姑蘇  
問康鹿荒臺空鎖白楊風

送江舟次檢討奉使冊封琉球

孤懸儘嶼海涯間襟帶窮荒控百蠻已奉春秋知正朔何年  
南北併中山自天

宸翰龍鱗動繞日珠旃豹尾班底事皇華念將母乘風歸路  
指刀環

送徐徵君電發辟召之京

此去朝辭林屋峯布衣疏屨倍從容眼中吾老非衰鳳足下  
人稱是臥龍應辟趨由丞相府封章薦白大司農知君芸閣  
詩成後舊憶西堂舊植松

沈韓倬席上送曹持原令之西寧

孤舟一片楚江雲兩岸猿聲徹夜聞望到龍鄉何處是桄榔  
庭畔最思君

送王遊人少參山始安遷懷州

三巴倒壓楚江流  
玉壘長空天外浮  
更有孤舟南徙客  
聽君夜半話潯州

聞笛

春城吹笛望江樓  
春色年年未解愁  
入破一聲花盡落  
不知誰按小涼州

塞上曲

不戰洮河西備羌  
合黎山外月加霜  
白頭老將沙場卧  
尙說彎弓從武皇

張

壇

字步青仁和人順治庚子舉人著有東郊草堂集

貧交行贈邵似宏兼示徐元文

與君初結交城西楊柳陌  
陌頭楊柳幾回新  
壯士衝冠髮漸

白揭來相見還相憐嘆息與君同落魄君落魄且莫傷不見  
明珠寶玉棄道傍又不見屠狗賣繪皆侯王世人交富不交  
貧昨日如故今朝新駿馬金鞭揮手去有時得志還相親邵  
生廣額復大口賣薪吳市不知醜歸來笑典簋中衣縱飲湖  
頭十千酒半酣攜我駕扁舟高陽舊侶今在否拔劍舞斫地  
歌北邙突兀一杯土眼前青蠅奈爾何嗚呼眼前青蠅奈爾  
何短歌微吟哀情多

與祖道別長句兼呈真源先生

我昔遊京師爾已歸吳中我今滯吳中爾又往山東北風捲  
地黃塵走清秋濁浪長淮口沙邊已朽千夫骨堤上空栽萬  
株柳爾時遊子起太息仰視長空日無色亂髯三尺徒老大  
用盡黃金歸未得我家舊住石湖邊中丞遺宅五世傳東山

聲伎時娛樂北海賓客相周旋人生得志苦不早臺榭須臾  
成蔓草青門有瓜不能種白壁無媒空已老卽今風塵分手  
地遠近總是飢驅事暮雨秋深白馬湖曉霜客過青駝寺借  
宗峩峩滄溟碧此行弔古兼結客道上時逢帶索歌山中舊  
有分金迹我師姜公眞大賢家徒四壁捐俸錢歸來好乞山  
中藥爲買秦亭屋後田

題虞生倚馬圖

虞生虞生偉丈夫方面大耳微有鬚手持匹練長數尺就中  
寫出倚馬圖圖開歎觀虞生面雄風颯颯千人見衣冠寧假  
庸豹皮毛髮欲指麒麟宴側身倚馬馬流血馬毛如蝟蹄如  
鐵無論健兒好身手卽看此馬頗不劣君之舊交有金生金  
生與我新結盟燕關雪花大如掌擁爐置酒相對傾酒酣披

圖顧而笑人生得失那可料調鷹走狗少年心只今道傍空  
荷蓀昨日樓船指颶越材官羽騎多如髮幕中草檄屬何人  
坐使三軍鼓聲竭虞生虞生且莫哀相君骨格真奇才絡頭  
騎出此馬一千里天南地北馳道皆風雷君不見天南地北  
馳道皆風雷

薊門送趙友沂入都

春深我自薊門還我泊孤舟君掩關秋杪君向薊門去君跨  
征鞍我流寓長淮之南大江北流雲遠樹無終極從教有道  
兼有神那忍相逢不相識知君少年名早成作賦往往動公  
卿可惜懷才不用世老驥伏櫪徒悲鳴離家十載多潦倒浮  
沈金門亦草草海嶠西風薛荔寒湘潭夜雨芙蓉老黃雲莽  
莽塵沙没看君辭家赴京闕清霜夜半不得停風頭如刀寒



刺骨把君新詩向君吟作歌送君情已深結交豈必謀面早  
纔覩君貌知君心燕山此日雪花大踏冰騎馬馬蹄破歸來  
開閣夜置酒明月熒熒照四座眼底相知誰最久合肥翼公  
與君厚爲予問訊座中客高陽酒徒今在否

謂固庵蘭  
次諸公

### 河淮行

壬寅仲夏余將東遊梁父道經淮陰得與婁東季貞  
班荆定交臨發書長句奉贈意取相勉非徒言別云  
爾

河淮合流向東注我到淮陰十日佳結交喜逢程與邱兄事  
袁絲弟仲孺神宗以前海內平文人學士皆干城三十年來  
人事改名流往往徒虛聲三吳少年雅好事縞帶珠盤千里  
至昨朝如故今日新眼前交態那足恃男兒立身自有固程

也閉戶却風塵出處大事各自了毋令市兒空笑人漂母祠  
前水聲咽爾時握手與君別驛亭官柳幾回青野館榴花五  
月節朝陽初紅大如斗野曠風高石飛走東海若得曾仲連  
會當馳書報我友

旅泊京口

江樹晚蕭蕭停舟對沈寥山頭一片雨樓外九秋潮行李因  
人減鄉心隔路遙自憐爲客久幾度宿關橋

渡楊子

秋風出潤城日暮片帆輕海鳥盤雲上江豚拜浪行平沙沈  
睨睨遠水人空明坐覺東流逝徒懷擊楫情

漁陽道上

獨向漁陽去誰憐歲暮行懸崖通驛路落木見邊城雲擁千

峯駐風生萬馬鳴  
榆關無限意指點說征塵

廣陵秋暮

高風嫋嫋動千旌  
百里連營塞馬鳴  
夕照隔江迷鐵甕  
潮聲中夜走蕪城  
秋來渚上丹楓落  
戰後沙場碧草生  
何事春農多內徙  
白狼山外又屯兵

九日博州寓

去歲重陽楊子驛  
今年九日射書臺  
一秋白髮鄉心劇  
兩度黃花客路開  
野戍荒荒騎馬去  
長河渺渺掛帆來  
故園兄弟如相憶  
漂泊登高獨舉杯

春日雜感

十年搖落對芳辰  
客裏清樽倍怆神  
春到江南湖水滿  
寒辭故國柳條新  
最憐門巷依戎馬  
長向輜車問陌塵  
腸斷東風

吹不盡滿城簫鼓怨征人

廣陵將歸別孫嘉客

與君對酒且高歌歸去扁舟一釣蓑莫說長堤最愁絕如今楊柳已無多

送陳其年歸義興

彈鋏憐君歸去來相逢且盡酒中杯春申門下蕭條盡況是任公舊釣臺

王

著

字必草秀水人

朱春生曰余於金陵故書攤上得舊詩稿一册款稱秀

國

初畫山水名家有與其弟安節唱和者安節名傑

其亦工畫也詩多在金陵所作面題第十六册四字想全稿必富此特散亡之餘耳吉光片羽彌足珍重中又有雜文數篇典雅有則

元旦雪晴

初雪初融暖氣生東風一夜作春晴池冰漸泮見山影擔酒  
轉聽如雨聲林鳥尙喧泥路滑瓶梅忽映紙窗明幽齋靜坐  
同空谷且喜柴門少送迎

丁亥除夕

一室團圓靜閉門滿天風雪暗湖村暖分松火增茶竈凍護  
梅花倩酒尊追念故妻曾奉母幸看猶子已生孫休輕此夕  
椒盤會白首青瓊老弟昆

早過草庵看梅

探梅不厭太孤清甘里聞雞破曉行殘月方中迎日出翠山  
忽缺見江明庵僧訝客來何早卓雀爭枝雪乍晴須與題詩  
索微笑相看意態更橫生

晚洪訪思

昉思以長生殿傳奇被劾而才名愈著余與昉思交  
差晚讀其舊稿幽憂草乃知昉思不得於後母懼家  
難客遊京師哀思宛轉發而爲詩取古孝子以自勉  
世第以詞人目之淺之乎知昉思矣甲申夏泊舟烏  
鎮因友人招飲醉歸失足竟墜水死

世傳艷曲調清新我愛高吟意朴淳怨又自傷真孝子性情  
不愧古風人家從彼後常爲客名到成時轉累身歸老湖山  
思閉戶何期七尺付沈淪

茗溪流似沅湘遙又爲騷人賦大招漫把哀音酬薤露便將  
新曲譜蛟綃長生殿角薰風暖小部歌聲乳燕嬌此日淪亡  
君莫恨太真生其可憐宵楊妃以六月朔日生明皇於是日

生殿上今昉思適以  
六月朔日死故及之

九江舟次逢沈因伯

深坐休辭燭炮紅來朝放棹便西東江湖分路增惆悵我望南風君北風

魏少野

字東老原名允札字州來號東齋居士嘉善人前明謚忠節大中孫庶吉士學濂子著東齋詩文集

贈周子佩先生

大府高官足九天何如且證地行仙竹松晴鳴開書屋花月春江放酒船聞憶舊交同隔世劇談往迹勝編年自隨銅狄拋鉛水散作陽湖萬頃烟

檻車經過結婚姻瓜蔓連抄轉及人門戶變生前甲子國家災應五庚申長貧僅保荒陂產多難猶存復壁身記取靈椿八千歲百分纔占一分春

灑血號冤共庶常上書先後動思皇金門齋志終難遂土室

埋名獨善藏遠患苦教難斷尾延生喜見鼠拖腸從今願侍  
丹鑪下大藥成時倘賜嘗

陸翼王以文題先庶常絕命詞後賦此爲謝

散落誰將逸事尋可憐異代有知音圖存特表姜維節忍死  
終明許遠心道在君臣公自信情關師友兩偏深大招歌罷  
巫陽曲淚灑西臺續舊吟

東園弟招同馮又三集脩然閣感賦

頻年故鬼唱秋風幾處離人歎轉蓬身到武陵應識得小桃  
雖在是裝紅

書燕京春詠後贈沈客子

京國繁華數改移似君不及見當時可憐四十年前景猶有  
貞元朝士知



寄懷東園弟

聽殘宵雨半憎騰淅淅虛窗淡淡鐙繫纜江亭等潮上夢君  
野泊在西興

答唐生青帆見訊

閒中每憶當時事來恨遷延去恨催隱隱蝦蟆更欲絕其驚  
殘夢轉蓬萊

密香寫就悞悞歌爲報清狂老更多依舊素驪雙轡上白衣  
紗帽醉時馱

蔣幔京招同曹念劬裴兄小飲

我生自念殊多幸不向衰年歎不辰天地新晴剛九日江湖  
舊雨尙三人輕移傍水過頭杖竿裏當風折角巾識得小園  
真是主何妨且作主中賓

戊寅元日

不枉屠蘇最後嘗已開七袞轉添狂談爲我輩消閒物笑是  
人間却老方體過佳時如得路心能安處似歸鄉憑誰說與  
梅兼柳好認東風第一場

吳孟舉以先庶常書畫冊子贈余作此志謝

竹洲居士乍識面拂拭塵跡開瓊函手持一冊展示我貌出  
山勢何巉巖中有美女呈皓質玉顏明潤披春衫更有書法  
通魯國龍跳虎臥形相銜咄嗟驚是庶常筆多君愛護加重  
緘憶昔明室當末造蛾賊羣起難夷芟庶常奮身思報國牽  
裾雪涕辭窮若君家始不繫同志嗜好不分酸與鹹承恩其  
選入中秘憂時中夜常誦誦兩年之間先後死那知忌者還  
生讒乾坤未死日月在嗚呼此恨不可剗墨光千丈挾正氣

千霄直上天龍監四十年來費收拾我若攫取疑貪饒何當  
慨然卽見予意思磊落神和誠歸遺子孫作世寶永載明德  
非豪縉

寄水邨弟

有帛不繫雁有素不藏鯉題書柿葉上秋風待吹起無事負  
碧漢無爲躍清波紛飛向輦下寄言問如何前年空復去今  
年猶未還幾番聽雨夜錯認對牀眠旅食肯求甘家食肯辭  
苦請觀古賢達白首老鄉土

慰曹念劬表兄被竊

雞號三通月西墮我興畏寒心轉悞南邨傳道有書來不覺  
聞之驚起坐間書讀罷輒沉吟此客何勞特經過行間縱筆  
畫車輪云是穴牆如許大發墮正復無多子已使老狂家盡

破幸然畱剩木棉裘尙辦出門免偃臥今宵宿火換地爐親  
手仍煨芋一箇知君得信定相尋見面還應弔而賀

題齋壁

此堂未許客常登來打雲扉意頗磨只爲門風差自愛却于  
世路重人憎疎花淺草長畱蝶曲几方牀屢迷蠅時遇體佳  
還一出不過道院便尋僧

朱昌榮甥旅櫬遠歸詩以哭之

只在故山生不在故山死頻年僕指數幾多壯遊子遊味汝  
最薄奚以與于此往者並出門非我意所喜自言志四方勸  
之不爲止一棺今始返隨埋宿草裏盛夏月方黑啾啾哭新  
鬼豈若用我言終身守鄉里死或未能免魂歸免迢遞龍鍾  
老渭陽揮淚又何已

夜過雁塔

爲愛花宮僻宵深其叩扉佛燈霜下淡鬼燒月中微竹徑曲能認燕團靜可依不知乞食者一鉢幾時歸

姚延啓

字季迪號敬輿烏程人順治己丑進士由稷山

湖州府志延啓爲科給事中著選竹軒集秋蛩吟

稷山令報最拙給諫歷掌三科封章劾切皆關治體

吳興詩話施問章別敬輿都諫詩晨夕苦招尋相過意

不禁十年青瑣闥一片布衣心日月高天迴龍蛇大澤

深誰憐倦遊子多病欲抽簪都諫歸田後嘗至

歸雲庵有白書水竹居秋香徑二詩繼黃嶺新

戴璐曰都諫與弟方伯名延芳同分進士中外並有聲

望都諫歸老于家子姓蕃衍簪纓相繼今稍不振方伯

以身活萬人寬不得白子孫世有甲科詩人世鉅汝金

亦其後也至六世孫文田中嘉慶己未狀元傳臚前有

夢迎新狀元者前有人心易味天聖難

欺二金字牌導之蓋信爲善無不報耳

秋香徑吟

歸老溪園徑未荒徑邊黃菊有餘芳芒屨踏處濡朝露藜杖

攜來帶晚香清景只宜供笑傲高年何必同行藏淵明漉酒

東籬下我亦隨緣醉一觴

唐虞堯

字載弼號寓庵會稽人順治壬辰進士歷官山東提學副使著城山閣歷游草

紹興府志虞堯由工部都水司主事陞員外以事降光祿寺署正

特旨

管禮部精膳司郎中事出為江南學國府同知三逆構

第一授山東提學副使秩滿以母目失明告歸日以舌砥日三年復光遂不復仕

秋將北行贈石濤上人

敬亭秋色又今年惆悵黃塵隔紫烟別去思君禪定後穿雲

獨汲虎谿泉

詹惟聖

字乃庸號尼庵建德人順治壬辰進士由德平知縣歷官戶部郎中江西學政

釣臺

予規聲裏葉初齊複嶺連岡走碧溪却送孤舟歸更便潮聲

直過釣臺西

施洪烈

字仲芳號寄廬平湖拔貢生官松江

同知著粵遊觀海雄遊天中諸集  
構李詩繫先生初授欽州牧時粵騷未定流寓五羊城  
衣敝不完并日而食李撫軍重其詩稍稍俾得食一日  
藩邸張宴羣吏紛集而王所召客惟一施欽州日重詩  
人也後復授徒龍灘以自給署程鄉篆悉捐里長營辦  
費及抵欽緩輟流亡錄被拉者姓氏榜  
通衢俾其家領歸哩松江同知罷歸

子夜夏歌

與耶戲採蓮郎言儂似花教耶作鴛鴦今夜荷圓沙

丁克揚

號琴溪蕭山人順治己亥進士官潛江知縣著琴溪合稿

毛奇齡琴溪詩序畧曰向與琴溪之伯氏大聲論詩城  
西大聲雅好刻覈備極幽折而琴溪坦然獨行諦然  
若決陂灌河曠然無所芥蒂于其間琴溪以不善事督  
郵役勃去棲遲于武昌楊柳之間目極晴川喟焉生嘆  
而又時時還下稿與父老子弟山川城郭重道故舊流  
連賦咏哀與然併讀其詩而見其志與其所以遇也  
茲仕之三日以公事往會城道中即景

琴堂席未暖促駕出城東  
驚照青松白花依綠草紅雲流  
溪動雨響四山空隔浦流鶯轉  
遙知有路通

周之麟

字石公蕭山人順治己亥進士由檢討歷官通政使

紹興府志之麟通籍三十年諱飭周密遇事不激不隨以恬和導迎善氣巍然碩德長者也

送友人南旋

行裝刺促鳳城邊  
小雨霏微萬樹烟  
臨別一言君記取  
重來

莫負杏花天

樓洵政

字嘉玉一字士珮浦江人順治戊子副貢生

樓上層曰嘉玉敏於資而博聞強學孜孜不怠卒年二十七論者疑為李昌谷王廣陵云

遊仙華山

崖蹊磴屐曉風冷欲向仙華宅  
宵冥烟際一拳開瘦碧雨餘  
千樹落空青人隨鳥入雲鋪地  
劍倚天長袖拂星典到聊筒



須臾酌爲陶佳節慰山靈

兩浙輜軒錄卷四